

**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School	:	POOI TO MIDDLE SCHOOL
学校名称	:	香港培道中学 香港培道中学
Name of Play 剧名	:	第三选择
Script writer 剧作者	:	黄颖琳、霍泳欣、陈艺允、曾焯嵐 (学生)

Synopsis 故事大纲：

颖希快要考DSE时，面对大学选科的人生抉择 选择自己喜欢的历史还是擅长的商科。她在中三选科时因觉得选商科出路较多而选择放弃选修历史科，但钟情于历史的她在课余时间仍然会阅读历史书。由于中三时已放弃了一次历史，颖希认为大学选科是第二次机会，但担心文科出路少，害怕不能给予母亲一个更好的生活，在两者之间多番挣扎。在兴趣和现实之间，颖希和其他同学都有其挣扎和苦恼，大家都选择了各自适合的路。

颖希会再放弃一次历史吗？还是兴趣和现实可以取得平衡？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序幕

(灯亮。一个身穿黑裙，戴着黑色面纱的女子出场，她手持一朵沙漠玫瑰，在舞台徘徊。音乐起。)

黑衣女子 VO: 沙漠玫瑰既花语系犹豫与矛盾，相传得到此花祝福既人，既会拥有成熟既品格，同时亦都会充满矛盾。

(灯暗，序幕完。)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

场景：学校教员室外

（放学钟声）

（颖希背住书包，手抱住几本历史书前往教员室。）

颖希：（对着教员室外对讲机）我系 6A 班李颖希。我想搵陈老师，唔该！

老师：（老师出来）咦？颖希，搵我有咩事啊？

颖希：陈老师，我想问下你有关 Jupas 嘅嘢……

老师：无问题啊。（见希心事重重）唔洗担心咁多，你最近 Mock Exam 考得唔错，我有信心你会入到三大既 Accounting。

颖希：但系…我想拣历史……我之前中三其实都谗住拣中史㗎……但系大家都话商科出路好，第时容易搵份好工……所以我先……其实我一直都好中意中史呢科，呢三年黎我自己都有 Keep 住读唔同慨历史书……

老师：喺，「你中意读历史书」同「你中意读历史系」，其实系两回事来，你要明白读一个学科同兴趣系有分别，而且大学既内容比较深，你自学未必跟得上。

颖希：老师，我有 Check 过㗎，好多大学拣读历史系有限定选修课慨额外要求，我明白咁样拣好似风险有啲大，但系老师，我可以读到历史系㗎！

老师：颖希，其实老师唔系想逼你拣商科，但系我觉得我都有责任将现实慨情况讲返俾你听，有啲师姐中学选修商科，到大学转修文科，但毕业之后搵工果阵，就发觉出路会窄㗎。

颖希：嗯……知道。（停顿）陈老师，你大学拣科嗰阵有无犹疑过架？系咪一早谗好要读咩？

老师：都唔系架，老师都用左一段时间去搵自己钟意既嘢，一开头我系拣商科，出左黎社会做嘢之后，发现自己更加钟意教书、对住学生。

颖希：你系点样发现自己钟意教书架？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

老师： 系一次帮姨甥女补习，发现原来自己都钟意讲嘢、分享自己点样学习。嗰阵返左成日工，同佢补习嗰阵都仲会好兴奋。

颖希： 哦……我好惊拣左会后悔。

老师： 其实最终选择权系你度，其他人都只系比到意见你，帮唔到你做决定，你再好好谗下啦。

（颖希与老师道别后，系操场坐低，佢打开历史书，睇住睇住，仿似进入了书中的历史空间。）

（战争音乐出。）

（历史书内容：宋理宗开庆元年，蒙古军向南侵略，宋朝出兵抵御。将领文天祥在崖山遭敌军俘虏后被押送到蒙古首都。蒙古可汗忽必烈欣赏文天祥的胆识与忠贞，希望他投降效命元朝。）

忽必烈： 过咗咁耐，文天祥仲未肯投降？！

大臣： 可汗，文天祥呢个人对宋朝忠心耿耿，我哋当佢系贵宾宴请佢，佢竟然成晚都唔饮唔食！我哋用佢家人去要挟佢，佢竟然都无动于衷！劝佢投降，佢竟然破口大骂，话自己誓死只会效忠宋朝，无论开出任何条件，佢都只会选择宋朝。软硬兼施，我哋真系有晒办法啦！

忽必烈： 文天祥呢个人忠心耿耿，学识渊博，如果能为我朝所用，必定如虎添翼；但若然佢唔肯投降，都唔能够继续留住佢，以免酿成大患。来人，处决文天祥啦！

（士兵到狱中准备将文天祥带往刑场。）

士兵： 唉，我都唔明你，可汗对你都仁至义尽啦，只要你肯投降，金银珠宝、荣华富贵享之不尽，而宋朝根本已经当你死咗，你又何必同自己过唔去呢？

文天祥： （仰天一笑）人生自古谁无死，留取丹心照汗青！你觉得荣华富贵系人生至高理想，但系我眼中都不过系过眼云烟。我文天祥生系宋朝人，死系宋朝鬼。就算再俾多一次机会我拣，我都唔会后悔自己今日慨决定！（说毕，文天祥走到颖希身边，对着颖希说）姑娘，「意欲为之，则不悔之」，珍重！

（士兵带着文天祥往刑场退幕，留下颖希一人深思。日向静悄悄走到颖希后方）

日向： 喂！睇咩睇得咁入神？

颖希： （回过神来）哦！冇啊，历史书咋嘛。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

日向：又睇历史书？仲有一个月就考 DSE，睇返你啲 BAFS notes 啦。（颖希叹气）

日向： 咩……好少见我既小希子（或任何花名）咁苦恼架㗎。因为屋企问题？

颖希： 唔系呀，我无野㗎～

日向： 咩～你睇下你条眉皱到，死左五百只蚊啦。我决定要为啲蚊默哀。（做默哀动作）（颖希笑了，二人相视而笑）

颖希： 无啊，咪又系拣科啲嘢㗎……

日向： 你仲要谗咩？

颖希： em……我谗紧好唔好拣历史……

日向： 吓！！！！

颖希： 你唔好咁大声啦，我仲谗紧㗎……

日向： 你痴线㗎？你商科成绩咁好，你谗清楚未㗎？

颖希： 我都唔知，谗到我大学要读啲我无咁钟意既科，我真系好唔想……

日向： 你知系香港钟意唔可以当饭食㗎。

（二人静默）

颖希： 咁你系咪以后唔打排球啦？

日向： 打啊，打到死都打。

颖希： 你又话钟意唔可以当饭食既。

日向： 系啊，不过系香港都唔会饿死既。同埋我净系叻打排球咋嘛。（颖希紧握手上既历史书）

日向： 我就话无得拣姐，你有得拣㗎。

颖希： 我都想好似文天祥咁。

日向： 你讲咩啊？

颖希： 无啊！（拿沙漠玫瑰书签出来，正想盖上书。）